

97
Q. B. V.

DISSERTATIO HISTORICA

DE

ASKMANNIS,
ULTIMA, IN EXTEROS,
SCANDIANORUM
COLONIA;

Cujus partem priorem
Cum consensu Facult. Philosoph. Acad. Aboënsis
Sub PRÆSIDIO
Viri cl.

D_{N.} ALGOTHI A.
SCARIN,

Histor. & Phil. Civ. PROFESS. ordinar.

publico examini subjicit

SAMUEL CHYDENIUS

*Göteb.
Ostro botniensis*

ad diem IV. Aprilis, Anni CCCCCXLVII,
horis locoqve solitis.

ABOÆ, Excud. JOH. KIEMPE, Reg. Acad. Typ.


Pastor in Gamla Garleby
Dn. JACOBE CHYDENI,
Parens optime.

Multam & magnam augendae spei meae contentionem Tu-
am, PARENTS OPTIME, cum sparsiter & jucunde re-
cognosco, quâ' devotissimâ mente sa isfacere queam sanctitati,
quam in TE colendo mibi constitui, nūquām invenio. Pietatem
in referendâ gratia, inter pignora humanitatis summo loco emi-
nere voluerunt gentiles. Verum curas & aerumnas, quas, spei li-
berorum amplificandae gratia, sustinent parentes, quis oratione
assequi? sumtuum & practitiae fidei illorum rationem quicunquam
initit aut inire potest? Nullo meo merito, Tu, memet, veneran-
de PARENTS, dilexisti. Curam provehendae salutis mese usque eo
progredi voluisti, ut incommmodo non minimo Tuo, commoda mi-
bi maxima tribueris. Sed quod illa non referendâ gratia, ne-
dum babenda, partem meritorum Tuorum assequi queam, id
est, quod male me habet, illo solo nomine vitam mibi acerbam
puto. Silicet artes, quibus adolescens aetas imbui solet, ductu
Tuo modo, modo auspicio, mihiem i' pertiri voluisti. Sacra Mu-
sarum, quibus per triennium memet heic loci operari jussisti, ego
quogz, pro virium & aetatis modo meo, advigilavi. Illis autem tot
& tanta sumbris Tuis, utrum industrie periculum & rudimen-
tum hoice, parte aliqua respondere queat, ad Tuum arbitrium
pie & reverenter consero. Excipe, & quo soles, proctivi genio con-
serva vernantis ingenii mei primicias basce. Quod si ratione
non decenti aliqua à Te impetrare possim, velim in aere Tuo
memet esse patiar, donec habeam, quo cumulatius TIBI mibi
que satisfacere queam. id quod cum longum mibi & penitus
impossibile sit, vota precesque ad DEUM fundere nullus inter-
mittam. velit ille omnia vertentis fortunae praesagia à Domo
Tua arcere, præstitionaque, quam quae mibi contulisti, Tibi
clementer largiri. Erit illa summa votorum,

Venerande PARENTS

Obsequientissimi filii Tui

SAMUELIS CHYDENII.



PRO O E M I U M.

Quod in sua de plebejo iudicio, dissertacione, *WERENFELSIUS* ad veritatem apposite dixit: simul atque lecta, “ordini aut societati qvis se adscripterit, pro “tinus eundem omnes illius opiniones adopta “re; a sua parte, nullum metuendum praedi “cium, nullum partium studium: ab adversa “verò nil nisi præjudicia, errores, injustitiam, “nil nisi partium studium esse (a). Id, si qvæ alia in re, certè in illa disceptatione locum invenit, qvæ de *vagina gentium septentrionalium*, *Scandianos* inter, ceterosqve trans mare sitos *magna Germanie* populos ventilari solet. Habent illi nosmet pro partium studiosis, ne dicam ridiculis, qvod sustineamus orbi perivalum ire, qvod in deficientis naturæ angulum huncce, eundemqve nivibus & frigoribus

A

effig.

effectum, homines prius devenerint, quam in
illis terræ tractibus, qui molli cœlo & frugi-
fero solo utantur. quin, ne in quæstione, quæ
plane facti est, sine testibus controvertere vel-
le videantur, magnorum testimonia virorum
in partes suas appellare neque intermittunt,
qui, quo trans mare Balticum Germani, co-
dem jure tituloque Scanaianos nullo modo in-
digenas salutari posse urgent; adeoque, quæ
de vagina gentium septentrionalium passim
prodita inveniuntur, illa ad Germanię, quæ
hodie est, oram, non perinde nostram cis
Balticam referenda esse. Qibus verò ab alte-
ra parte argumentis nostrates honorem originis
& stationis priscae illius sibi suæque familie vin-
dicare soleant, altius heic repetere non va-
cat, cum sint illa notissima. Sufficiat ad leue
& frigidum illud, quod primo loco motum
fuit, reposuisse, ex illa, quæ hodie est, cla-
borata & exculta humo, ad veterem, quæ
primis post diluvium seculis existit, faciem a-
gricolum illius, triyolam omnem videri illatio-
nem. Erunt illo tempore ad habitandum, a-
mendum & epulandum tanta non mollitie
inescati homines, quanta, qui majores urbes
inco-

incolunt, hodie dissipate amant. Non illo tempore magis cœli solique alperitas transcurrentibus catas suas obstitit, quam Tataris hodie, Lapponumq; meorum in diversa semet effundere volentium transitui eadem obsistere solet. Fruges & animalia ad locorum, quibus encuntur, patientiam generari videmus. In conformanda *hominum* indole, naturam adhibuisse in consilium eandem rationem, & ad ea, quæ aliis incommoda videri poterint, magis alios erectos & prope inflammatos esse voluisse, nisi cuius muliebre ingenium accidit, nemo dubitat. adeo ut frustra sint omnes illi, qui propter cœli inclemantium, postremam omnium cultores suos Scandiam recepisse, prouiditato habent. Fuit illa pridem CLUVERI, estque omnium, qui ad illam familiam pertinent, SPENERI (*b*) ceterorumque hodie quoque conjectura. Sed quorum cum vi treis fractis comparando testimonio, muneris sanctimonia graves, cosdemque cum prisca gente nostra ætatis & originis ejusdem, & propterea fide digniores alios opponere possemus, si præsentis curæ illud argumentum esse vellemus. Id in fine loci & processu hujus dicimus
altem, ad vindicandam Scandinaviæ gloriam
educto.

eductorū martigenarū ex sua offi*inā* populo-
rum, vix fortiore argumento qvemq;am insi-
stere posse, qvam qvod ex Cimbria (c), qvæ
in notioribus, Gothorum colonia prima audit,
& ex Suethia Noruegiaque novissima manus,
Norrmannorum puta Ascianorumque, scri-
ptorum vix dissentiente aliquo, prodierint, a-
deoq;e qvid de ceteris, ab arcto, gentium ar-
matarum examinibus earumq;e originibus sit
sentiendum, suo sub exemplo manifestum red-
diderint.

(a) Gundling. satyrische schriften pag. 389.

(b) pro fabulis & germanis guerris habet ille, qvidq;id
de veterum ex Scandia migrationibus blaterent au-
tores: pro oraculis autem, si qui ex Germania ori-
gines illorum, scriptores alii deducere velle videan-
tur. conf. Nesselblad Biblioth. S Goth. V. Tomo: pag. 14.

(c) Cimbri, ab aqua & mari Viti prius quam jutii appelli-
lati (Sheringham O. Engl. pag. 37) utrum a Maeotis-
dis Cimmeris orti sint, qvos in illam viciniam Scy-
thæ migrare coegerint, non in praesentia disqviri-
rimus. Ex illo nostri maris sunt, eodemq;e ab o-
ceano non procul remoto illos ortum traxisse, Af-
ram omnem, non alia appellatione percurrisse olim,
& demum Romano nomini fatale nomen fuisse, i-
doneos allegare testes, supervacaneum erit. Flori e-
pitomen histociæ Romanæ & qui vetustior illo est,
Diodorū Siculum bibl. v. 32 quisq;vis consulere volue-
rit,

3

rit, quæ nos diximus suo testimonio planum facient. Id in *WACHTERO* glossarii Germanici auctore diligenti mirari subit, quod cum nullo omni laboret derogare *Scandiae* gloriam rerum a *GETIS* olim gestarum, genio, nescio quo svadente, Cimbriam pro officina gentium in operis sui præfatione venditet, & in illa regione sedes suas primum habuisse majores suos, ex Petrejo, sed fine judicio scriptore, agnoscat. Verum si ex illa suprema regione in Germania ulteriora perrexisse sint censendi, unde in illam terram, obsecro! sunt delati? Cum imbris desuper pluisse, aut pro Cadmæis fratribus eosdem venditare, nisi, qui fumos vendere velit, non facile quis sustinebit, ergo non aliunde, quam per insularem Scandiam, & expansam Mæotim usque, Svethiæ magnam plagam supervenere; qua regione Cimbros olim reseedisse ipse neque *TORFÆUS* negare potuit (a) Certissimo experimento, migrationum, ad delendum imperium Romanum initia ab arcto repetenda, & quocunq; locorum sese incurvaverint rami, nominis *Gorbii* firmatam stirpe radicem intra Scandiam quærendam esse. Idem quod *RUPERTO* in accuratissimis suis ad Besoldum seholiis fateri neque rubori fuit, cum Germanos originis *Scythicae*, non *Sythes* originis Germanicae esse se, semper existimasse, ait, & ab illa sententia cur deflectat, se nullam rationem invenire agnoscit. Sed erit de primis orbis hujus habitatoribus, terra aut mari, an vero alternis itineribus immigraverint? in sequentibus forte commodior dicens locus. Tuæ humanitatis erit. L. B. curas exiles hæc, quamvis conjecturis sœpe sint involuta, easdem neque mora maturaverit aliqua, saltem ceu pietatis in

in patriam interpres, & qvi bonique consulere.
(a) Bierner oris bogr. praeſ.

THESES. I.

Ex sola affinitate vocum de rebus & insti-
tutis gentium vetustissimarum conjicere
velle, pro temerario aula multi habere solent.
Idem circa investigationem etymologiae vocis
Aſſman/ nos quoque sentimus; nempe quod
ad evincendam veritatem historicam, non co-
gnatio ſoni aliqua omne puncum ferat. Inter-
rim cum sit illud neque improbabile, quod ex-
terna rerum forma carumque accidentia nomi-
num impositioni occasionem ab initio dederint,
quid aſſ mon, rationibus stipatum aliis,
ad inveniendum origines & res gestas argo-
nautarum horum lucis affundat, aut talitem af-
fundere velle videatur, penitus non praeter-
undum existimamus. Prostant de originatione
vocis **aſſ man** diverorum diversa judicia, ca-
demque tanto a ſe invicem intervallo discre-
pantia, ut non conciliari ipſa, nedum polli-
ceti eorum cuiquam nosmet praebere potueri-
mus. **MESSENII** noſtras a pyxidibus a-
ſſior/ queis viſtualia recondita fuerint, eos-
dem nomen invenisse putat. (a) **DOMINICUS ROBERTUS**
MIUS

MUSS a rebus gestis & vita genere illorum,
quod Frisiam Saxoniamque igne vastantes, o-
mnia cineribus oppleverint, sic dictos arbitra-
tur (b). Danicæ gentis celebres duumviri histori-
rum: *UELLEJUS* (Andreas) & ex eo-
dem *PONIOPPIDANUS*, notatis obelo
nostris antiquariis, ceu pronis in nescio quas
conjecturas, non prædatores solum faciunt ma-
iores suos, sed a patriæ situ Austmannos, id
est viros orientales eosdem olim quoque dictos
fuisse putant. quod cum alii minus intellige-
rent, in *Astman* vocabulum inde depravaverint
(c). Sed talvis horum omnium summorum
virorum judiciis, cum elementa parum iuxtaferantur
multis censeantur *Aust* & *Ast*/ eademque non
magis aliqua cognatione, quam cum *Ient*
& *Tuist*, *Ast* permutari posse videatur (vid.
Th. IV. not. (e)) quæ cum re ipsa nobis co-
gnata magis, convenientiorque videtur origi-
natio vocis, paucis expendendum.

(a) Scordia Tom. XII pag. 36 *Ast* & *Vestia* Vestro-
Gothis ex ligao capitulo (Smöraskiar) dicuntur, qui-
bus pro viatico butyrum condi solet. Ad eujus vo-
cis ejusque sensus analogiam in eadem gente halfast
multitudo dicitur. *Vas*, pura operimento carens, qib
recens

recens hic uberibus expressum excipi solet. In Fen-
ningia non condendo butyro minores capsas lolum,
sed monoxyla majora, in speciem naviculae efforma-
ta, condendis qvibuscumque cibariis, pro reposito-
riis uisu ventre, vidimus.

(b) Örnhielms hist. eccl. S. G. II. §. 21.

(c) Pontoppidanus de gestis extra patriam Danorum III. p. 74.

IHES. II.

Str & Astur lingua Gothica fraxinum
dici, eamqve arboris speciem trunco non
nodoso sed solido & in altitudinem spissu ex-
crescere solere, lignarii opifices (a) præser-
tim, qverum in conficiendis navibus opera ver-
sari solet, omnes consentiunt. Ligni eandem
durissimi esse, ex quo nulla non instrumenta
bellica confici poterint, veteres neqve difficien-
tur, qui Vulnerarium arborem appellant, mar-
tigenisque Svetis atqve Gothis, peculii iure
prisco, consecratam volunt (b) ne de mytho-
logis qvid dicam, HESIODO puta & ED.
DA nostrate (c) qui arborem in maris lit-
tore enatam, & non hominibus solum in con-
ficiendis ratibus, sed & diis ad efformandum
genus humanum, quod fraxineum audit, pro
materia præstantioris indolis inserviisse scribunt.
Quid sibi velit utraqve mythistoria illa, no-
strum

strum non est in præsentia indagare. Illud, qvod ad præsens negotium, ex conspirante Græcorum & hyperboreorum narratione philosophorum, didicisse juvabit, *fraxinum* diis sacram arborem fuisse, ejusqve, conditi orbis primis seculis, ad conficienda hominum simulacra ut & omnis generis vas, vel præcipuum usum fuisse. De cetero, qvod ex tenacioris confectionis stipite illius, lembi, lntres, parones & triremes jam olim qvoqve fabrefactæ fuerint; Scythis & ceteris mortalium vetustissimis, in quacunqve plagam illi migrarent, sub nomine *astri* pro remigio inservierint, porro dispiendium.

(a) In itinerario typis nuper impreso, vir publico bono natus Dn. Doct^r LINNÆUS se in Oelandia vidisse ait gestorias è fraxino tabulas (brancarder) aulæ usui a carpentariis destinatas, ponderis exigui, sed agilioris & compactæ structuræ, iisqve, qvi ædificiorum structuræ accommodari solent, arborum truncis, crassitie nullo cedentes modo. confr. dicti modo libri pag. 49.

(b) Vide RÜDBECKII nepotis de *Sceptro Carolino* dissertationem & ad illam b. m. Doct^r. ROBERGII gratulatotoriam a fine adjectam.

(c) HESIOD. op. & dier. vs. 145. RESENII *Edda*, mythol. VII,

Navigandi artem, utrum homines sibi perspectam habuerint, qui ante diluvium vixere, illi decernent, qui involutam tenebris memoriam primorum temporum se in numerato habere credunt. *RUDBECKIUS* affirmativam tueri nullus dubitat, postquam testimonio suo plures eundem convicere, quod in abditissimis terræ visceribus anchoræ & naves, & ossa humana juxta posita se non una regione prodiderint. Alpium Italic. inviis jugis superesse præduras trabium moles, navium e diluvio reliquias, ex eorum, qui ipsi montes incolunt, narratione *SCHEUZERIUS* testatur. Sed quam fluxæ fidei narrationem esse postulat *GISB. CUPERIUS* illo titulo solo, quod tam magnæ non fuerint naves ævo illo, ut ejusmodi ligna sibi depoposcerint (*a*) Post diluvium una cum migrationibus gentium, artificium excavandi prium, mox fabricandi naves, quibus amnes & tretra transmittere & in ulteriora homines sele dare potuerint, usu venisse, cui in conditionem ævi illius hominum atque locorum penitus introspicere volupe fuerit, non facile negabit. *TACITUS* certe non negat, qui classibus olim advectos esse ait gentium aborigines.

nes. Qvæ vero seqvioris ævi interpretum sit
 sententia de fide asserti illius, & qvibus artic-
 tibus illud urgere soleant, non ignarus sum.
 Sed qvi noverit pelago nullum magis paratum
 promptuarium fuisse primis hominibus, neqve
 sine naviculis reconditas in illo penu opes ad
 usum revocari potuisse; imò sine illis, puta lin-
 tribus atqve navigiis, majores aquarum interle-
 ctiones, ubi illæ obviam fere darent, superari
 impossibile omnino fuisse: non negabit spero,
 illis solum regionibus, ubi crebro occurunt
 divortia illa, ad plus ultra progrediendum, rci
 naviculariæ apparatu neminem carere potuisse.
 A LEIBNIZIO, viro illustri non dissidentius,
 serius eò proiectam navigandi artem, ut clas-
 sisbus se mouere homines potuerint. Sed qvod
 navium nullum, nisi scro usum fuisse, juxta
 contendere sustineat, in illo non omnes, certe
 non nosmet secum consentientes habebit. Qvam-
 vis liburnicas non habuerint ex cedro gemma-
 tis pupibus, easdemqve tricliniorum laxitate
 superbas, in modum Caligula, cum littora
 Campaniæ ille peragraret (*b*). Sufficit aorūs bōs
 h. e. scorteos (*c*) aut ex alia parabili materia,
 ad agendum veloci & compacta, iembos ha-

buisle conglutinatos; qui in modum mappæ complicari & ex uno loco in alium humeris portari facile potuerint. cuiusmodi navigiorum nostratibus non multo ante usitatorum annales Scondiz crebram mentionem faciunt, & penes Ascanios orientales usu non dum obsolevisse, in Scythicis STRALENBERGIUS testis est (d).

(a) Literas amœbeas virorum clarissim. lege sis in a. mœnitatibus literariis Schelhornianis Tom. II. p. 775. 781. seq.

(b) Sveton. Calig. cap. 37. De CANUTO M. Daniæ rege, qui eodem seculo ferè, quo apud exterorū Astomans norum virius innotesceret, vixit, PONTANUS & ex illo PONTOPPIDANUS (de rebus gestis Dan. II. 105.) perinde testantur, quod cum Anglis bellum movere vellet, ducentarum navium classem eodem direxerit, quæ e prora terribili specie leones, dracones aliave animalium in metallo simulacra repræsentarit, tantumque, eminus adspicientibus, fulgorem armorum obiecere, ut ignea potius quam lignea apparerent nava. Cujus loci sit habenda isthæc narratio, utrum ex illo genere, cuius apud Curtium IX. 3. 19 mentio fit, illorum erit decernere, qui, qua operis subtilitate artes sellularias & mechanicas SCANDIANI olim tractarint, non ignorant.

(c) Vitilibus navigiis corio circumductis olim navigatum fuisse; imo paleis & feno repletos utres ad trahienda flumina, in illa ruditate primorum temporum, fuisse

fuisse adhibitos, SCHEFFERUS in suo de militia nava-
vali comment. observat. pag. 22 & 26.

(d) OLAUM M. confr. in historia gent. Septentr. X. 2.
& 3. Cratibus vimineis bubulo corio circumfusis THOR-
KILLUM Adelsaar, GORMONIS Danici jussu, ad investi-
gandum UGARTILOCHI numen, peregre se movisse,
in aliis HOLBERGIUS histor. Danicæ I. pag. 56. testis
est. Qvâ vero in expeditione illa, ut portum & fi-
nem, qvem itineri præfixerat, promptius inveniret,
pyxide nautica usus fuerit, TORFÆUM conf. Norvag.
bistor. Tom. I. p. 107.

THESES. IV.

SCYTHAS a MAGOGO oriundos, gentem es-
se antiquissimam, eandemqve non Asiam
modo, Tanaim inter atqve Ægyptum, sibi tri-
butariam fecisse, sed & Cimbros atqve Cim-
merios, ad septentrionis ultima usqve relegatos,
ex suo semine progenuisse, dictum modo fuit,
rerumqve non negabunt veri æstimatores. Alii,
si qvi tuerint, qvi suum magis arbitrium,
qvam fidem veterum historicorum seqvi velint,
veteris lingvæ λσιψαρα, qvæ passim & ubique
restes commorationis suæ reliquere, adspiciant,
lingvasqve Asiae & Europæ plurimas, non nisi
diversas Scythicæ lingvæ dialectos esse, eas-
demqve matris primævæ suæ dignitatem suspici-
entes, non longe videbunt. Est non hujus lo-

ci, neque nostri instituti, in disceptationem, super problemate historico illo, altius nos immergere. Erit de argumento illo alibi opportunitior dicendi locus (a) Interim ne temere rem, aut saltem non recte reputasse videamur, vocem *astri* & *astur* e proximo arcessere non pigebit, & in quantum ad asserendam lingvarum cognitionem, & demum inveniendam veram notionis illius etymologiam, viam nobis pandat, altum intueri. *Ast* non fraxinum modo, sed & naviculae quodvis genus, præcipue vero furatas naves, quales in illo primorum temporum statu naturali bellico, maria oppleverunt, denotare jam ante menuimus. Ab *ast* & *aestu* non nomina propria multa modo descendunt: *Aster* / (*Alcerus*) *Astra* / *Aestgiard* / *Aschnas* / *Aste* / *Aestil* / sed repetunt ex eodem nomine urbes & gentes, quaque verbum suas inde quoque denominaciones. Est in *Arabia* ad hæc nostra tempora urbs *asta* celebris (b) & *Alcitarum* prædonum ad mare erythræum *PLINIUS* & *PILOMÆUS* meminere (c) Ne de *astur* *Mauritanie* maritimo & *astul* magnæ *Græciae* oppido utroque, quid dicam; sunt in *Palæstina* (d) *astalon* & *afferon* in
mari-

maritimis urbes notissimæ. *Aſkenazas* (*Aſke-
nazim*) ab *Aſkenas* Japheti nepote (e) ori-
undas minoris Asix gentes Troada, Phrygiam,
Bithyniam, Æolidem & tractus vicinos inco-
luisse, *JOSEPHUS* testatur. (f) Ab illis *Othi-
num*, nostri orbis lethiferum numen, ortum fuis-
se, nisi qvi domi hospes esse velit, nescire
nostrum nemo potest (g) Non in Bithynia
modo *Aſcanius* lacus olim celebris fuit, sed
erat ipla *Meotis* palus (h), una cum aſſur
ſluvio, in *Colchide* ſito, ſub eodem nomine in-
ſuper veteribus notissima (i) Immo de Scy-
this circum circa habitantibus res eſt notissi-
ma, qvod per illam paludem, alteramqve *Bal-
ticam* (k) prono magis olim quam hodie, i-
tincere, ad ſeptentrionis ultimum promontorium
crebro adnavigaverint (l). Sed qvorūm iſthac?
Coacervantur multa & magna testimonia iſta
non alio fine, quam ut *Aſcaniorum* utrinque
cognitionem, quam pridem multi incertam
facere laborarunt, ex identitate lingvæ, idqve
vocabuli unius ſub exemplo, certiore facere
anniteremur. (m) Eadem vitia apud utram-
que gentem in mores abiſſe; a noſtrisibus cer-
te ab illo matris utero concepta fuſſe, ex di-
cendis

cendis patescet. Sufficiat ex dictis, & quod
spero, concessis confici posse, olim ex cata-
phractorum navigatorum alveis, quorum illo
tempore usus invaluit, magis quam ex alia re,
aut viliore opificio quoque, Astmannos
suam invenisse denominationem.

(a) In dissertatione de gentis *VANORUM* prisca & hodi-
ernis sedibus.

(b) Vide *HUBNERS* Stats und conversations lexicon.

(c) *CELLARI* geogr. vet. II. pag 705. qui, utrum cum Van-
dalicis Beriberis (*Gardbara mān armigeris*) nostræ origi-
nis sint, & quemadmodum pedestri militiae illi addi-
cti fuere: ita ex navalí perinde hi quoque cognomi-
nati fuerint, in medio relinquo. conf. *BRINGS* disser-
tat. de fæderibus cum infidel. & barb. pag. 28.

(d) *Ast* & alia promiscue dici, alibi obliteravimus,
idque sub exemplo *Aleckerdn* & *Astenas*, puta *Aiske-
nasorum* seu *Nasmannorum* stationariorum, in ori-
ente pariter atque aquilone usitatorum cognominum,
tum quoque probavimus. *Ast* non Neptuni currus so-
lum, linterns & lembi *Aust* & *Ast* dicebantur. Vene-
runt olim nomine isto, imo hodie quoque veniunt
vehicula, nescio quibus non itineribus promovendis
adhiberi solita. Apud Lappones *Aktio* hodie dum ve-
hicula dicuntur, monoxyla primi orbis remigia, eo-
rumque formam & pernicitatem exacte referentia, 70.
VIS tonantis currum, qui *Aestia* & *Astia* hodie audit,
olim *Aust* & *Akt* dictum; equos illius *Aktior* & *Oktor*,
imo aurigantem *Aas* ipsum *Alesthor* cognominatum
fuisse, nisi, qui lingua & genere barbari fuerint, os-
mnes morunt.

(e) *Az*

(e) Alkenazum & Thaifonem, interveniente nulla,
 aut non nisi exigua verbi mutatione, pro nomine eodem venditare, hodie neque dubitant Germanorum non pauci. Eundem Tanai superato amne, circa Hercyniam silvam trajecisse, Alcaniorumque, quæ hodie est, Anhaltinam gentem condidisse volunt. Scilicet ut obtineant quocunque modo, *Tuifbonem* esse genesis sui satoris, ad cuius similitudinem inde Scandinani nosmet efformati sumus, *Iroica Teutonicis miscent Rheni gurgite Xanthum*. Sed si qui pari, ast diversa haec si infecti fuerint alii, iidemque ab Alkenaze, Skanejæ, puta Scandinæ aborigines, elata prima litera, suam invenisse denominationem, pro non magis improbabili conjecturâ habent, eosdem neque temere opinari, qui partium studio tenentur nullo, non difficulter vident. *PTOLEMÆUS* certe, qui *Eskandiam & Eskandinaviam* appellat, (*Peringikald* vit. *Theodor.* not. p. 319.) quomodo, non oppressa initiali, vocem, suo avo, homines expresserint, testimonio fido suo aperte ostendit. Iterum quomodo non exterorum modo, sed & nostræ gentis linguae idiotismo, primæ literæ diminutione sensim multatum sit vocabulum, *TOREÆUS* testatum ivit sub exemplo veneficæ feminæ, quam ex *Ganesse capsula magica*, non *Estan*, sed *Skian*, *Catharinam* populares sui denominarint. conf. illius histor. *Norvag.* part. I. pag. 108. *Geirman & Astman* martigenam populum, sed maritimum alterum, alterum pedestrem denotare, non negamus. Qui vero ab Alkenaze prognati, satoris sui, una cum religione nomen non ipsi retinuerint *Germani*, sed soboli ad ultimam Thulen scilicet relegatae indiderint, ænigma, numeris non dissimile Platonis, multis videri potest. Qui, nulla Ger-

manorum facta mentione, fraxineorum robora *Gothorum* ab *Ascenaze* derivat *Eusebius* (18.) cum Hesiode & Edda ante citatis in idem placitum prope consenserit. Quidquid sit, ab *Ua* & *ar* aqua, *Armenos* *Atamānōner*, primigenios Noachi posteros, & ab *ass*, *igneis equis*, primorum temporum eqvisones nauticos, astemannos puta, indeque assur, Armenia non ignobile oppidum *Ptolemæi*, dictum fuisse, verisimilitudine non caret. *Ormesdem* & *Arimannum*, duo *Zoroastris* principia boni & mali, quomodo *LEIBNITIUS* explicit de gemino duce Scytho-Celtarum in Asiam olim irrumpente, nunc non moveo. confr. *Leibnitii Theodicea part.* I. p. 278.

- (f) Besoldum conf. cum *RUPERTI* observationibus.
- (g) *STURLONIDEM* legē, & qui Scondiam dedere illustratam veteris & recentioris ævi scriptores.
- (h) Paludem *Mæotis* (*Mætæjerswî*) ultimo septentrione in Gundlingianis I. pag. 250. auctor collocat. Sicut autem a *Mæt*, matta stragulum juncum dicitur, ita mattæorum vel scirpæorum navigiorum usum, *Esaiæ* avo, penitus neque ignotum fuisse invenimus cap. XVIII v. 5. in quem locum *Schefferum* consuluisse juvabit in libro de militia navalí, & quem ille citat *Gyraldum*, p. 33. f.
- (i) *CELLARIUS* geograph. veter II. p. m. 365. quo cum conf. Lylshandri *Danske Kongers* slechtebog pag. m. 20. & qui illum sequitur *TORÆUM* histor. Norvag. I. pag. 138.
- (k) Sybicae paludis ad *Oderam* (*Aludnar a, Odini* fluenter) usque porrectæ, mentionet, non uno in loco facit *Adamus Bremensis* in hist. gent. septentr. eccles. sua. prælertim conferri meretur p. 59. §. 79.

(l) De

(l) De lacubus & fluviis, subsidente mari, in aquilonibus
arefactis, navigiis que a nostratis inde tractis gesta-
tis que, quoties catastrophæ & invia Neptuno loca oc-
current, sub exempli *Argo navi* in Colchidem di-
rectæ, ad se ò nobilissimus Dn. Er. J. BIOERNER in Go-
thunheimiae, exquisitiss. diligentia opere suo egit, &
quæ digito nosmet, ea pleno magis ille rotundo-
que ore monstravit.

(m) Unde descendat & quid dictum velit nomen Ask-
man; quonodo cum Askania gente, ab oriente in se-
ptentrionem delatum, ad Västman hodierno æqui-
pollet, in thesi ostendimus. *GUNDLINGIUS* (Europ.
stats histor. II. p. 141.) cum videret Normannos li-
c. Svecos atque Norvegos, connumeratis Danis, esse
ex illo genere animalium, quibus aquam terramque
incolendi gemina natura esset, eosdem eine wasserne
nation appellat, & an' anor, passis & expansis utri-
bus, quibus, eeu super strata navium, freta olim trans-
misere, Askmannos olim dictos fuisse, consentit. U-
trum in nostra gente & quas illa terras suis coloni-
is implevit, vestigia veteris significationis supersint,
in transitu, quod dicitur, advertere non pigebit. Ab
Askis, oblongæ & ovalis formæ navigiis, utriusque
Germaniæ, præcipue vero inferioris loca multa dici
CANGIUS existimat, multaque inde *GROTHUS* in indice suo
nomina propria Gothorum derivata censet, ab iis,
quæ nos ante recensuimus, plane diversa. Recenset
hujus generis appellationes alias in glossario suo
KÄCHTERUS, quæ ex sylloge notionum geographicoo-politi-
carum Hubneriana (Stats und conversations lexicon)
majore numero supp'eri possunt. In *Anglia*
Aleskedun & Aleskieberg, funesta classiiorum Anglorum
& Danorum clade portus memorabilis est. In no-
stra

itra gente: **A**skloa, **A**stom, **A**sser, insula Norvegia, se-
cure navium statio occurrit. **A**ssershárad, **A**ssebæk,
Asslind, **A**stø, **A**ssersund, **A**ssereberg, **A**ssesby, **A**ssendås
(quod cum **G**otenås idem in portat) & diuque
Asslanda loca sunt notissima, quæ nostratum **A**sto-
nautarum, quamvis sub isto nomine minus celebrium
expeditiones, ne memoria eorum intercidat, in suis
nominibus refricant.

Ihes. V.

Nostri quid propriè importet, vidimus,
nempe ministeria virorum in rebus mari-
timis exercitatissimorum, qui mobilia rostra,
velis remisqve, seu habenis quaqua verum
dirigere norunt. **A**lf **N**ostri in militia Ha-
qvini **A**delssteinii **N**orrigiae regis celebre no-
men erat; (a) ex illo vetustioris **S**ondiæ
Nasamonum (**N**ásmán) ordine, sine dubio,
qui littora obsidere, & æstu destituta navigia
notis sibi vadis occupare edocu fuere. Im-
præsentiarum quid importet notio, utrum o-
mnem in genere populum naticum, an vero
ævi & nationis unius saltem militiam pelago
innatantem, eandemqve non ad prædam, sed
belli societatem submissam, ordine nunc dis-
piciendum venit. Istum scrupulum pluribus
implexum nodis, cum **ADAMO** Bremensi

prior

prior nemo, neque melius, quamvis non ad
unguenti expromiserit, quid de patria Astman-
norum, corumque in exteris & longinquas
regiones proiecta classe testatum reliquerit, an-
te omnia videndum. Vixit ille post non inte-
gro seculo, quam expeditio nobilis & famosa
haec incideret, adeoque cui de Alkomannis
attestanti, ex aetate major multo, quam sequio-
rum temporum scriptoribus, fides est adhibenda.
Occurrunt in historia ecclesiastica illius duo im-
primis loca, quibus Astmannorum meminit,
corumque peregre gestorum bellorum fortunam
percentet. Priore loco perhibet, quod cum
ERICUS Segersall Svethe rex Daniam vi-
ctor obtineret, classis piratarum, quos domi
sux Astmannos, appellavere, Saxonie appul-
sa, Fresiae omnia Hathulæque (Land hadeln)
maritima vastaverit. cumque per Albæ flumi-
nis ostium novi hospites irrupissent, congrega-
ti Saxonum magnates egredientem e navibus
parvam manum illorum apud Stadium excepe-
rint, opportunum Albiæ portus praesidium. De
hinc, post oppressam magno & memorabili præ-
lio virtutem Saxonum, Sveonum & Danorum
deprædationi una cum provinciâ, gentem suc-
cubuis.

cubuisse memorat, usque quo SIGERIDI
Marchionis in captivitatem deducti, sed pi-
scatoris furto mox liberati, itemque BENNO-
NIS (b) post non multo cum exercitu super-
venientium virtute, piratarum manus, auxili-
ante domino, contrita fuerit. CRANTZIUS
cum in metropoli de Astmannorum principiis
hisce clade multatis loquitur, de loco ubi ca-
si & strangulati fuere, refert, quod a suis
gen sworgebür dici, cognominari meruerit.
Planè & verè dictum illud prima statim fronte
apparet. Verum, quæ de pirata ordinis illius,
Archi episcopatum diridente, eodem anathe-
mate damnato, & longo post mortem tempo-
re, ab ADALUARIO Scarensum episcopo
excommunicationis soluto, & tum demum in
pulverem converso adjiciuntur, inter figmenta
ævi pontificii, quæ jam ante longa dies ex-
punxit, meritò referimus. Qvod ad punctum
temporis, quo facta fuit hæc excusio, ex CRAN-
TZIO discimus iterum, quod, præsidente Ger-
manis puero rege, puta OZZONE III. curren-
tis seculi X. octogesimo octavo anno, omnino
inciderit. Illo anno per Phrisiam & Albim, po-
pulationibus institisse ait excursores hosce mira-
homis

hominum freqventiā. Qvomodo verò regiones aquilonis hæ ipse adeo qvidem mortalibus scatere potuerint, ut viginti, triginta & centum sacerdotiū millium armatorum, per littora Germaniæ & Galliarum, sine ullâ intus vîta hominum jaeturā, effundendorum & amandendorum pares fuerint, id semet ægrè comprehendere posse dicit *historicus*, nisi apud hunc populum illa ataque vel rara, vel omnino nulla pestis fuerit, quæ quoties grassatur, multa millia consumere solet. Ita qvidem CRANIZIUS. Sed qvi, si ad impedimenta majora multò longinquieratqve attendere voluissit, qvæ ævi sui religio propagationi lobolis humanæ objecit, infrequentioris hodie, quam olim hominum multitudinis, causas plures, easdemqve, quam proleta speciosa illa, multo graviores in promtu habiturus fuset.

(a) BIOERNERS ortograph. prolegom.

(b) HERMANNI Bisingii ducis Saxonie filius & successor erat, qvi an. MXI. in fatis concessit.

THESES. VI.

DE altera parte Astomannorum Hatbela egressorum, quæ Wirraham (Visurgim) flumen,

flau-en, ad Leistmonam (*Leine*) deprædati fuerant,
Bremensis perinde narrat, qvod cum, captivo-
rum multitudine magna seqvente, ad paludem
Gliindismer (a) penetrassent, in difficultiora
paludis loca perdusti, à Saxonibus, qvi pone-
seqverentur, vigesies mille homines admodum
superati & ad unum obtruncati fuerint. (b).
Meminit historicus idem iteratæ excursionis
Astmannorum per ostium *Wirbaæ* Lismonam
progressorum, & circum quaque omnia de-
vastantium, quorum in reditu ad naves pars
maxima ad *Annon* (hodie Ave) trucidata
fuerit. Hæc ultimo loco notata excursio, quam-
vis temporis, personarum & locorum facta
computatione, cum proxima coincidere velle
videatur; non inconsultè tamen aut temere
illi judicare sunt censendi, qvi in illa non sa-
tis accuratâ classificatione temporum & gesto-
rum ævi illius, nova & a prioribus distincta
clade hac ipsa, tertium gentis nostræ nauticum
apparatum eodem tempore submotum fuisse,
pro non improbabili habent.

(a) In Ukkermarck sita palus, secundum *Bongartum*
confer illius in *Helmoldi* comment. p. 50.

(b) Piratas Cilices, qvi, distractis per diversa terra-
rum,

rum, Romanis, maria infestarunt, ad viginti milia
itidem a Pompejo devictos & sub jugum millos fuisse.
confer sis *Cicer.* *Offic.* ed. Roth. p. 680.

THESES. VII.

Est illud de *Astomannorum* sociorum belli
virtute ex antiquitatis sacro tribunali de-
promtum testimonium. In otio non languece-
re passos esse *Scandianos* militare robur suum,
sed inopinato impetu subinde terruisse vicinos,
ex dictis constat. Utrum verò, sicut *utilitatis*
communione, ita *juris consensu* quoque, tur-
bas & tragœdias istas excitaverint, anceps est
& ad liquidum nondum perducta quæstio. Ex
nostratis OERNHIELMIO exundans noxio-
rum civium colluvies fuisse videtur, qua cum
levari vellent Scondiz reges, in molimina
coëuntium illorum circumspicere conniverint
(a). In eandem quam sententiam collineare
viderur etiam JOHANNES MAGNUS, cum
de Gothorum primis emigrationibus scribit, quod
non alii, quam qui currenter haëtenus auream
ætatem perversis facinoribus vitiossent, ad quæ-
rendas novas sedes extrusi fuerint. (b) Videri vo-
lunt alibi iterum mitiores aristarchi hi iidem, præ-
terum Oernhieselius, cum quidem piratas,

D

sed

sed collectas ex superiorum regulorum & hero-
 um sanguine cohortes fuisse vult, ad fastigium
 regale non alio, quam militæ tirocinio illo ad-
 spirantium. Nos vero, qui quid sceleratam &
 legitimam piraticam interdit, probe noverimus,
 neque nisi criminis perpetrandi causa priores
 cœtus (plebejâ, an vero regia stirpe sati tue-
 rint, nil nunc interest) consociari: in civita-
 te vero, si quæ vitia obrepant, quamdiu ma-
 net rationalis communio civium, non magis
 illa solvere publicam compagem, quam male
 conformata membra alios specie homines effi-
 ciunt: in Astomannorum & ceterarum Scon-
 diae coloniarum causâ cognoscenda, cautius o-
 mnino incedere arbitramur illos, qui non no-
 xiorum hominum colluviem, sed ex flore po-
 puli selectos; non privato sed regentium au-
 spicio. (c) principum, in illam maritimam
 belli aleam nostros semet dedisse existimant.
 Præuentem in illam sententiam sequimur illu-
 strem virum PUFENDORFFIUM, qui colonos
 ex Svetbia egressos, non ex face populi fuisse,
 monet, cum soleant ad ejusmodi migrationes ac-
 ciri non ignavissimi & neqvissimi, sed qui consilio
 valorent & ad subeundam utramque fortunam ex-
 erci-

ercitatisimi essent. **JORNANDES** certe, cum emigrantium Gothorum cœtus hōc apum examinibus comparat, certe non fæculentam turbam, aut purgamenta civium suorum esse vult, sed qui sincera fide negotium suum agerent, & cum res polceret, militarem impetum ratione componere scirent. Et demum quod **Astmannos** in specie attinet, quorum sub nomine *Vikingorum* quoque, ex Svetis conflatam fuisse militiam notum est, nobis certe gratulamus, quod cum historiam suam **ADAMUS** consignaret, licet eis & navibus potens gens nostra audiat, a genere vitæ piratico, puta scelerato omnino abstinuerit; nisi eodem referri velis seqvioris ævi religiosam ab infidelibus prædam agendi vœcordiam, quam barbarica vix dum extincta prioris ævi licentia, Scandiæ regum magna Nomina iterato invexit. **(d)** De ceteris vero, non in sceleris, sed belli societatem factis excursionibus, licet non negaverimus ex iniquo illas etiam non parum traxisse, tempore illo, quo non alios Deos quam cruentos, *Martem* & *Bello-nam* coluere: de **Astmannis**, quos ex **Norr-mannis** (eine glorieuse nation) arcessit **GUND.**

LINGIUS, existimare licebit tamen, ab invi-
dia sceleratarum excursionum illos omnino li-
berandos esse, in quantum belli aleam hanc
in se ipsi non depoposcerint, sed ad principis
nutum auspiciumque, sago se incinxerint, qvod
paragraphe mox sequenti probandum venit.

(a) *Orenhielms histor. eccles.* II. 5. 116.

(b) *Joh. Magn. hist. S Goth.* I. 8. & 14.

(c) Sine auspicio principum neque veteris ævi piratas
ordinarie quicquam ausos fuisse, non uno exemplo
probari potest. 1. *HARALDI Hildetandii Daniæ Regis*,
cujus sine auspicio nutuque maris dominationem, si-
bi neminem assunisse, *SAXO* testatur. 2. In *Suebia*,
non nisi venia ab Upsilonensi monarcha impetrata, ma-
ritimas expeditiones suscepas fuisse, & demum cum
militia rudimenta deposuissent maritimæ rei præfecti,
coram rege *Upsueonum* maris imperio semet abdicasse,
sub exen plo *SVENONIS* Daniæ regis, *RUDBECKIIS* te-
stis est Atlant. III. p. 339. Ita, si qui, non ex le-
ge regni, piraticam exercerent maris *VISIRII*, in so-
lenni conventu populi exules & extores factos fu-
isse legimus. Certe de *Vitalianis* fratribus, sine disci-
plina ad expoliandum egressis, *LOCCENIUS* narrat,
qvod cum occupari possent, tunicis ligneis, præ-
acutis intus defixis spiculis, induiti, novoque
erucciatus exemplo isto, qvod pacem publicam vio-
lassent, excarnificati fuerint. Hist. Svec. libr. III. p.
m. 116.

(d) Ad illam crucigerulam naviculariorum turbam, il-
li

Hi sine dubio Rosebildenſes piratae referendi, de quibus SAXO testatur, quod SVENONE Estrithlonio sedente rege, antequam ad excursionem se accingerent, apud sacerdotes piacula prioris vita deploraverint, moxque divina altaris libamenta assumserint: rati prosperius cuncta cessura, si rite DEUM ante istiusmodi bella sua placassent SAXO hist. Dan. edit. Stephanii p. 259. seq.

COROLLARIA RESPONDENTIS

I.

Quamvis Viri historiae patrine callentissimi LAPPONIÆ gentis nomen à Lap ferarum palma derivare, HO. MERIQUE EGIPEDES (Αἰγιπέδες) solo cœloque, quo Lappi eudem genitos esse velint: à Loppen & Loppus Fennonico tamen quod extimum significat, appellationem illam descendere, tanto certior quis esse potest, quanto à Fennis omnino orti sint Lappi & à vicinis Russis bodiedum non Lappi, sed Loppi cognominentur.

II.

A Fennis Marchæ, puta Noricis & subpolaribus, Lappi & qui bodie sunt, magni ducatus hujus incolae, unâ cum lingvâ, genus suum arcessere sunt censendi.

III.

Quod Arimaspos Scythas, HERODOTO celebratos, ad ipsum aqvilonis exortum PLINIUS recte atque ordine collocaverit, non negabit spero, cui ad vocis etymologiam Gothicam, et inter jaculandum nictandi rationem borealium Scytharum, Lapponum puta Fennorumque attendere volupe fuerit.

IV

LUpionum Venedia & Sarmatis junctorum, eorumque in

in tabula Peutingerianā factam mentionem, quādū GROTIUS de Lapponum valida cursu gente, interpretari velle videatur, obstant multa tamen, quo minus summi viri conjecturae isti assurgere queamus.

V.

Quemadmodum aeo illo, quo historiam gentium se-
ptentr. ecclesiasticam suam scripsit ADAMUS,
praeter Alpinos Fennos, de quibus jam ante loquuti su-
mus, regio aut gens alia, sub nomine illo vix cognita fuit:
Ita Lapponum ante SAXONEM Grammaticum, o-
mnem in annalibus Scandiae mutam quoque fuisse memo-
riam, certum est.

VI

SCandinaviam insulam alces generare, & inde SOLI-
NI Abalciam à non paucis derivari, notum est. Te-
gumentorum è pellibus Rhenonum Germanie & Gallis pri-
dem usitatorum mentionem facit JULIUS CAESAR & rerum
Romanarum scriptores alii. Ultrumque verò animal cum
Scandiae peculiare sit, & quidem nexus usque adeo arcto Rhe-
nones Lapponiae agnati, ut in diversum solum translati di-
vivere nequeant: ad evincendum Germanorum oīm praeci-
puam partem confecisse Scandianos, & ex illa vaginalē gen-
tem orbis dominorem egressam fuisse, quae quæsto! robustior
esse aut desiderari potest argumentatio?

VII.

Compensatione sola rerum, absque pecuniā, apud Græcos
commercia oīm institui LICURGUS voluit. Pristina &
simplici apud majores Germanos usitata mercium permutatio-
ne Lappones defunguntur, vitam pastoritiam bodiedum se-
quunt, sed ita tamen, ut si ad diversa studia dilapsi ne-
gotia-

31

gotiatores alii, rebus ad permūtandum idoneis defecti, serratam, id est veteris & probae notae monetam pro mercibus suis offrant, in vicem pretii accipere eandem hodie non omnino detrectent.

VII.

Est Lapponia inter asperitates montium, uliginoso solo frequens, idque per immensam copiam fontium undique exilientium, sed exitum nusquam fere inventantium. Interim cum inibi cœlum, quam in Botniæ viciniâ magis horridum non sit, tellurisque, quam alibi, neque magis effœta vis: nulli dubitamus, quin corrigi posset hodierna feritas, eademque in usus humanos accommodari, si qui essent, qui culturæ ulteriori operam & sumptus impendere vellent.

IX.

Magica ars, omnibus orbis partibus idolatriæ connata, quamvis in septentrione multum remorae objecerit religionis Christianæ progressus; aeo pontificio in primis, quo sacerorum praesules sub praetextu fidei, non nisi suas exactiones genti sub inferre aggressi fuere: Hodie tamen felicibus Christianismi incrementis adeo non Lapponum oblitus superstitio dira aliqua, ut verae religionis addiscendae & exercendae zelo, vicins, quibus copiosior Evangelii lux affulsi, si non vincant, saltem paria cum ipsis facere sint censendi.

X.

Quamvis à MAGNI Lædulåsii regis aeo, principes Sveo-Gothi in consortium Christiani nominis trahere Lappones, multi sint aggressi: per illum clericorum ignaviam & intra centris curam revocatas ministerii partes, factum fuisse tamen non immerito judicat DAMIANUS à Gœs, quod ante reformatam religionem, regione tenui & inope illa, ALUMINIS cognitio nulla invulnerit.

XI.

XI.

Dololatricum cultum veteris & recentioris aevi cum per regni fines undique extirpatum iret GUSTAVUS I. Sveithiae rex, primum ad Lappos apostolum, qui veri Numinis cultum in illa gente praedicaret, Scarensem Canonicum BENEDICIMUM Petri, statim initio regiminis & imperii sui ordinavit. quem sacerdotem devotum & gerendis rebus istis maturum, Brigittino ordini episcopus Lincopensis pa-
lo ante adscripsérat.

XII.

Dissertationis de zelo SVETHIAE regum in con-
vertendis Lappis, auctor plurimum reverendus, cum
Michaëlem illum, qui auspicio GUSTAVI regis an. 1559.
salutaris negotii ejusdem procurandi caussâ, iterum in Lap-
poniam ablegatus fuit, MICHAELM Agricolam (Lejon-
marckiae gentis satorem) fuisse memorat, identitate nominis
Michaëlis semet decipi passus est. Biennio enim ante, quan-
missio illa incideret, Agricolam Michaëlem ab episco-
pali Aboënsi sede in cœlestem fata evocaverant.

XIII.

A蒲 Lappos Cimerios (Riemi Lapmark) cum conten-
dit idem auctor, quod ordine & modo, quo in ceteris
Svetbiae ecclesiis, secundum ordinantiam ecclesiasticam, sacra
instituantur, ad veritatem appositi differit. Sed cum in va-
stissimo tractu illo praeter Enated templum, amplius nul-
lum esse ait, cum SCHEFFERO quidem homogenea loquitur;
verum ad illa, quae sub nuperis REGIBUS emolumenta ec-
clesiae, & incrementa scholæ habuerint, non satis attem-
differe videtur.

XIV.

XIV.

LApponum exilem staturam, ingenium hebes & feros
mores, exterorum proverbio, eludi solere vidimus. Fuit
apud Graecos neque alia Scytharum sors. Sed quibus ju-
dicibus molestè sedulis non ineptè opponimus MARTINII in
lexico philolog. censuram; quod in istis populis,
qui publicis dicteriis infamantur, plus saepe virtutis
inesse soleat, quam celebrioribus illis. Quo cum
conferri meretur s CALIGERI de Lappis judicium, quod sit
gens illa corpore vegetissimo, agilitate insigni, sagittandi
peritia nobitis, adversus hostes fortissima, & erga hospites
officiosa & innocens.

SOLI DEO GLORIA



88

à Monsieur SAMUEL CHYDENIUS,
Défenseur de cette belle dissertation.

La raison & l'expérience prouvent très vivement qu'une sincère amitié est d'une très grande importance. & contribue plus que tout à obtenir la felicité temporelle. C'est pourquoi aussi malheureux, que j'estime celui, qui a fait confidence à un faux ami, aussi heureux je nomme celui, qui a trouvé un ami sincère, un ami qui regarde sa fortune comme une ou mauvaise comme commune, & qui emploie tous ses efforts à son service. C'est ce que la fortune m'a donné en Vous, Monsieur, la confidence, qui a été entre nous un long-tems en est une vive marque. Ainsi je ne regarde pas tant à mon devoir, qu'à l'amitié même, qui me fait Vous en donner maintenant une preuve publique, quand Vous, mon cher ami, montez au Parnasse pour défendre cette belle dissertation. Je passe sous silence les louanges qui sont dues à Votre vertu, avec d'autant plus de raison, que la sincérité de notre amitié ne le permet pas, & Votre conduite même les public suffisamment. Je dis seulement, que ma joie est inexprimable, quand je Vous vois dans cet illustre lieu, & mon cœur se fond en voeux ardents à l'Etre suprême, pour qu'il Vous daigne assister de sa grâce divine, & Vous faire croître toujours dans la science solide & dans la saine vertu, afin que Vous puissiez ainsi obtenir les récompenses, que la Providence a destinées à tous leurs amateurs. Je Vous assure, que mon amitié envers Vous sera toujours ardent, & que je suis jusqu'à la mort

MONSIEUR

Votre,
Ami très sincère.
O. R. NORDSTEDT.